

「清」王士禎 著

# 王士禎全集

(二)

詩文集

齊魯書社

清 王士禛 著

# 王士禛全集

(二)

詩文集



齊魯書社

# 王士禎全集總目

前言

凡例

詩文集

落箋堂集

漁洋詩集

漁洋集外詩

漁洋續詩集

蠶尾詩集

蠶尾續詩集

衍波詞

漁洋文集

一

九三

四八五

六四五

一〇四三

一一一五

一四五五

一五〇九

蠶尾文集……………一七六三

蠶尾續文集……………一九六五

集外文輯遺……………二三三三

雜著

花草蒙拾……………二四七五

王考功年譜……………二四九一

蜀道驛程記……………二五二五

粵行三志……………二五九九

皇華紀聞……………二六四五

池北偶談……………二七六九

國朝謚法考……………三四九九

秦蜀驛程後記……………三五四一

隴蜀餘聞……………三六〇九

手鏡錄……………三六四三

|          |     |
|----------|-----|
| 長白山錄補遺   | 三六五 |
| 居易錄      | 三六九 |
| 浯溪考      | 四四〇 |
| 香祖筆記     | 四四三 |
| 律詩定體     | 四七一 |
| 漁洋詩話     | 四七七 |
| 古夫于亭雜錄   | 四八三 |
| 分甘餘話     | 四九四 |
| 漁洋山人自撰年譜 | 五〇四 |

## 附錄

|    |     |
|----|-----|
| 傳記 | 五一〇 |
|----|-----|

詩文集之四 漁洋續詩集卷四

壬子蜀道集

漢中府

路繞褒斜夢故園，今朝風物似中原。平蕪蹀躞連錢馬，近郭參差橘柚村。萬疊雲峰趨廣漢，千帆秋水下襄樊。只愁明日金牛路，迴首興元落照昏。

漢臺

絳灌當時伍，黥彭異代看。竟成隆準帝，不屑沐猴冠。磊落真王氣，蒼茫大將壇。風雲今寂寞，江漢自波瀾。

故宮曲二首

濕螢幾點粘脩竹，昏黃月映蒼煙綠。金牀玉几不歸來，空唱人間可哀曲。

往日朱門帝子家，柴車一去即天涯。平臺賓客今何處，零落小山叢桂花。

### 漢中偶題排悶

漢川風土佳，可憐復堪憶。佳鱸持作羹，黃柑耀金色。自我歷周秦，見此芡莒食。阿瞞非解人，區區笑雞肋。

### 虛谷菴二首

菴有黃楊二株最奇。

三寸黃柑水浸渠，一林紅桂映棕櫚。鉤簾恰對中梁色，正好高眠讀道書。

太息黃楊樹子前，琳宮幾歲飽風煙。交柯接葉真憐汝，未似先生厄閭年。

### 南鄭至沔縣道中雜詠二首

黑水梁州道，停車問土風。沔流天漢外，蟠冢夕陽東。處處棕櫚綠，村村穠樞紅。更須參玉版，脩竹賤如蓬。

「漢川脩竹賤如蓬」，坡公詩語。

歲歲桃花水，魚從丙穴來。金盤飛素雪，玉手潑新醅。茶戶雨中焙，橘官霜後開。山南風土美，去住一徘徊。

### 女郎廟

女郎山，相傳是張魯女。

朝過女郎道，遙望女郎祠。溪水疑環珮，春山學黛眉。千林丹橘熟，一徑碧苔滋。日暮神靈雨，西風滿桂旗。

### 沔縣謁諸葛忠武侯祠

天漢遙遙指劍關，逢人先問定軍山。惠陵草木冰霜裏，丞相祠堂檜栢間。八陣風雲通指顧，一江波浪急潺湲。遺民衢路還私祭，不獨英雄血淚斑。

### 武侯琴室

竹篠娟娟靜，江流漠漠陰。至今籌筆地，猶見出師心。遺恨成銜壁，元聲有故琴。千秋絃指外，髣髴遇高深。



### 定軍山諸葛公墓下作

高密起南陽，文宗從去聲高祖。暴繫本見疑，數衄亦非武。堂堂諸葛公，魚水託心膂。二表匹謨訓，一德追伊呂。視操但如鬼，畏蜀還如虎。嗟彼巾幗徒，與公豈儔伍。紫色復蛙聲，抵隙各爲主。火井方三炎，赤伏更平聲典午。志士耻帝秦，祭器猶存魯。陰平一失險，面縛忘奔莒。知公抱遺憾，龍卧成千古。峨峨定軍山，悠悠沔陽潏。鬱鬱冬青林，哀哀號杜宇。耕餘拾敗鐵，月黑聞軍鼓。譙侯寧足誅，激昂淚如雨。

### 大安驛

犖确三泉縣，坡陀一徑開。江流沮口合，風雨沓中來。漢相經營地，氏王駕馭才。西窮幡冢盡，節使亦雄哉！

### 五丁峽

南窮石牛道，崑崙下雲棧。三日招我魂，足踣目猶眩。豈知東蒼州，耳目益奇變。始過金牛驛，

穆嶼已凌亂。漾水從北來，劣足泛鳬雁。舉頭嶠豕山，峨冠倚天半。大哉神禹功，從此導江漢。漸入五丁峽，謫詭駭聞見。斗壁何獐獐，十萬磨大劍。攢羅列交戟，茫昧通一線。亂水殷峽中，蛟蜃喜瀾汗。仰眺絕圭景，俯聆競雷抃。九鼎鑄神姦，到此百憂患。東方牧犢兒，竟使蠹叢判。我行忽萬里，風土異鄉縣。身落大荒西，終賴皇天眷。咄咄復何言，艱虞一身賤。

### 雨度五丁峽

徼外蕃王國，荒荒巨峽侵。龍居三洞秘，熊館四時陰。竿馬何年度，金牛此路深。五丁虛斧鑿，愁絕畏登臨。

### 懷朱人遠

憶汝西來日，江山發興奇。戎州千日飲，夔府百篇詩。湘水蘅蘭浦，巫山雲雨祠。金牛寒峽裏，北望苦相思。

### 寧羌州

威遲辭北闕，浩蕩賦西征。天險金牛峽，悲歌猛虎行。岷峨連雨氣，沔漢走江聲。三戶遺民少，

蕭條見廢城。

### 寧羌夜雨

不信無晴日，曾聞有漏天。武都連夜雨，巴子幾人船。山入氏中亂，寒臨隸道偏。荒城聞鼓角，迴首意茫然。

### 夜至黃壩驛短歌

氏道森沈十日雨，石林冥冥斷行旅。洪濤殷地四山動，百折盤渦噤難語。前有蝮蛇後豺虎，紅鶴哀號奮毛羽。吾生胡爲狎此曹，命輕如毛爭一縷。妻孥飄泊寄京國，欲歸不歸在何所？鄉關迴首四千里，縱有苦辛誰告汝？

### 百牢關懷家兄子底禮吉子側

行盡山南路，前峰入宕渠。殘秋杜陵雁，斜日錦江魚。一別四千里，何因頻寄書？祇思風雪裏，燈火共吾廬。

## 龍背洞

衆山如連鼉，突兀上龍背。鱗鬣中怒張，風雨晝晦昧。出爪作之而，神奇始何代。亂水趨嘉陵，波濤勢交匯。萬壑爭一門，雷霆走其內。直跨背上行，四顧氣什倍。夕陽下岷峨，天彭光破碎。咫尺劍門關，益州此絕塞。子陽昔躍馬，妖夢成俗儼。區區王與孟，泥首終一概。李特亦雄兒，僭竊竟何在？

## 朝天峽

朝登嘉陵舟，日出羌水赤。履險倦鞍馬，即次亦稱適。黠黠雙峽來，突見巨靈跼。嶄巖無寸膚，青冥歷雙翮。陰崖積龍蛻，跳波畏鯨擲。往往壓人頂，駭此欲崩石。洞穴峽半開，兵氣尚狼籍。蛇豕據成都，置戍當險阨。至今三十年，白骨滿梓益。流民近稍歸，天意壓兵革。會見竇廬人，燒畚開确嶠。慷慨一扣舷，浩歌感今昔。風便黎州城，茫茫波濤白。

## 廣元縣作

樹樹皆猿狖，山山盡薜蘿。算錢灘下水，不及客愁多。

廣元舟中聞棹歌

江上渝歌幾處聞，孤舟日暮雨紛紛。歌聲漸過烏奴去，九十九峰多白雲。

昭化縣

亂山圍一縣，哀柝下初更。近郭雙江合，扁舟萬里情。浪翻寒月影，風急夜潮聲。何限人間事，茫茫恨未平。

桔柏江

小舟飛青鶴，西掠馬鳴閣。閣道凌天關，稍幸息腰脚。茫茫雙江來，抱此益昌郭。荒城豺虎多，殘堞出叢薄。國憶直侯開，江疑鼉靈鑿。武都地勢高，衆水競流落。分道下氏羌，兩川乃磅礴。鳴水迴驚瀾，陰平劃大壑。仇鳩勢未葬，犀牛道彌惡。千里會葭萌，崩騰似相索。潏潏竟同流，西逝連井絡。九十九峰間，迴首一錯愕。

## 昭化夜泊

淅淅風欺枕，明明月入船。三巴空有淚，獨夜不成眠。流宕魚鳧國，淒其鴻雁天。故園梅信早，歸去逼殘年。

## 虎跳驛

路逗蒼溪縣，荒涼破驛存。漉金稀見艇，畏虎早關門。水合南江壯，山連大劍昏。巴西兵馬後，多少未招魂。

## 夜泊雙漩子聞笛

嘉陵江上泊舟時，戍鼓初停月上遲。已聽寒潮不成寐，誰家橫笛怨龜茲？

## 蒼溪縣

萬里行難到，三秋鴈不過。蠻江吹積雨，急峽束盤渦。綿谷青山遠，賓人白弩多。泛舟思杜老，漂泊意如何？

閩中縣二首

見說閩中好，軒牕臨錦屏。山川無髣髴，耆舊況凋零。殘壘浮兵氣，寒江滯使星。忽聞羌笛起，風雨畫冥冥。

滕王何寂寞，江抱玉臺偏。沙岸收寶馬，湍流激磴船。五城虛夢到，三戶有人煙。不奈驚搖落，魂銷帝子前。

閩中感興四首

行役忽永久，衣裳白露淒。秋風吹劍外，客鬢老巴西。螢火飛還沒，寒蟬咽復啼。不堪蜀道雨，山霧晝常迷。

巴樹小搖落，薄寒初中人。江山紛暮節，風露感蕭晨。遠使非邛杖，思歸閩角巾。流波三峽外，何處覓文鱗？

西漢茫茫去，來過碧玉樓。九迴腸已斷，三折水還流。涕淚聞鵲鳥，雲山繞劍州。老親穿望眼，霜雪白盈頭。

蜀雨連秦棧，秋陰暮復朝。山盤黃鶻急，江合紫羌遙。烏鵲知何意，鼉鼉爾獨驕。蓬萊不可到，迴首向風飄。

## 藥物

藥物知何益，愁多老病侵。眼枯兒女淚，心折短長吟。鄉信何時達，秋濤日夜深。巴猿殊造次，悽絕叫楓林。

## 望劍州懷喬文衣

名鉢，內邱名士，以湖口令遷守劍州，卒官。

次公狂自好，名字滿人間。才士無高位，吟魂寄百蠻。音書湖口縣，生死劍門關。太息青蠅弔，交州幾歲還？



## 寄綿州守

西南芳草路，幾驛到綿州。蜀道風雲外，涪江日夜流。丹青楚公壁，城郭越王樓。故里康浪水，何人弄釣舟？

## 龍山驛雨

閬州城邊雲氣浮，龍山驛裏雨聲愁。遠遊不睡青城地，絕域空悲白鴈秋。巴嶺稀逢人北去，渝江長是水南流。蕭條孤館荆榛夕，更指千峰入漢洲。

## 富村驛雨

陰蟲何太苦，戶外即蒼山。急柝侵孤枕，秋河落百蠻。燈昏山鬼逼，雨止蟄龍還。一夜瀟江水，愁人淚點斑。

## 天馬山雨行

兩炬殘更裏，亂山高復低。疾風吹白雨，折坂下青泥。詰屈穿牛角，縱橫印虎蹄。廿年餘戰骨，